

Sulisartut ulluat 1. Maj 2024

Asasakka sulisartut, ilaasortat maanilu peqataasusi tamassi minnerunngitsumik ataqqinaammik ilaasortat.

Kingumut maani katersuuppugut nunarsuarmioqatigiit sulisartunut ullorititaat nalliussiniarlugu, immaqqa isumaqartoqarsinnaagaluartoq SIK-p kisimi ullorigaa, imami amerlatigaagut nunarsuaq tamakkerlugu sulisartuusugut ulloq nalliussivarput, sulisartunut atugassarititaasut ullutsinnut naammaginangeqisut tassuuna ersarissaatigeqqissinnaallugit naak ulluinnarni ilungersuutigingaarialuaqalugit .

Piffissaq kingulleq suliffeqarfanni oquk assut tusarsaavoq, sulisorpassuit sullitalu soorunami aamma peqqissutsikkut eqqungaaqqapput, suliffeqarfik peqqinnangippat sulisitsisut pisussaaffigaat ajornartorsiutip aaqqinniarnissaanut taassuma saniatigut isumannaallisaanikkut sinniisoqarput suliffeqarfiit amerlanerpaat atuutsinneqarpata malinnaatinneqarpatalu.

Sulisut taarseraannerarneqartaannarput pissutaasali ilaat aamma aaqqinneqartariaqarput! oquk peqqissutsimut navianaateqarlunnartoq sulisorpassuit peqqillutik suliinnarnissaraluannik annertuumik eqquisarpoq, anernilunnerit amerlunnerit allatigullu peqqiilliorneq nalaanneqartaannarpoq, sullitanut meeqqanut sunniuteqarpat inoqtigiit tamarmik eqqorneqaatigisarpaat tamannalu inuiaqatigiinnut akisoorujussuuvoq.

Meeqquerivippassuimmi aamma tamatumuuna eqqungaaqqapput naak oqartussat akisussaasut?,

Suliffik ataavartoq aalajaaffiusoq nuannersoq silaannarissoq sulisitsisut assigiimmik ataqqinnittut suli amerlanerungaarsinnaagaluarput! Sulimi ileqqutoqqat atuupput sulilerlaanullu allannguisinnaassuseqartunut nanertuutaasinnaasut, ileqqut pigiliutiinnarsimasat sulisitsisut sulisunut naqisimannittut atuutsillugit sulisut taarseraannerujussuat unissinnaangilaq, naak sulisinnaasut tamaasa atorfissaqartilluinnarneqaraluartut, sulisussaarulluinnarnermimi nunanit allaneersunik tikisitsiortuinnarneq aaqqiinerunngilaq. Nunaqavissuusugummi ingiaannarneqarsinnaangilagut! Assuarlersinnaatitaavugut oqarsinnaatillutalu suli oqartassuugut.

Illoqarfipput ineriartorpoq sulisartunullu atugassarititat pitsaanerulingilluaasarput, sipaarniarnerup eqqugai annertupput, piginnaasat atorluarneqarnerunissaat assut pingaaruteqarpoq eqqarsaqqissaartariaqarpugullu.

Aappaagu qinerseqqittussaavugut isumatusaarnerusariaqarnerlu innersuutigerusunnaqaaq, akissarsiat inuussutissanut pisissutigineqarsinnaanerat suli unamminarnerulerpoq, nioqqutissat malunnaatilimmik orsussarlu akittorput,

pilliutissagut suli ilaartorneqassanerpat? Inissiat akittoraluttuinnarput,
sulerulunnngikkaannilu katataapallattoqarsinnaasarpoq.

Kalaaliminernut akit qaffasinnerpaaffissaanut aalajangiussat qinersisoqarnerata
kingorna aaqqineqartarnikuugaluartut suli nutarsarneqanngittullu ullutsinnut
nalimmassarneqanngimmata qaffasinnerungaartumik akilersuineq ingerlavoq
sulisartullu inuussutissanut akissaatitigut suli unamminarnerulerlutik.

Pinngortitap kusanaqisup avatagiisitta niuerutigineqarsinnaanera eqqarsaatigalugu
takornariaqarfissuusugut takornarissanut akiliisitsisalernissaq siunniunneqarmat
isumaq kusandarluinnartoq tapersernaqaaq, nunallu eqqilunnerungaasinnaaneranut
sukangasuumik aqutsinissamut sulisut aamma annertuumik
atorfissaqartinneqarnissaat allaqqunneqarsinnaanngilaq, neriunnaqaaq pitsaasumik
atugassaqartitsisoqassasoq, taamaattumik aammaarlunga sulisinnaasut
atorfissaqartinneqartut piginnaanngorsarnissaannut aamma
pikkorissartinneqarnissaannut qaammarsaanermullu aningaasaliissuteqartoqarnissaa
inissaminiissoraara.

Aalisarnermut inatsisissaq eqqarsaatigalugu annertuumik sulisartut nunami aamma
eqqungaasussaapput, taakkuami imminnut ataqatigiilluinnarmata.

Inatsit taamaatsilluni atuutilersinneqassappat akissaatitigut inuuniarnikkullu ilaqutariit
aamma annertuumik eqqorneqartussaapput. Ernumanartulerujussuusoq inatsisissallu
atuutsinneqannginnerani suli inuaiaqatigiinnit paasineqarnerusariaqartoq
tusarniaasoqarnerusariaqartorlu eqqarsaasersuutiginaqaaq.

Tamanut iluanaarutaalluartumik naleqarnerulersitsisumillu nunamut tulaassat aamma
sulisartunut akissaasersorneqarluartumik patajaannerusumillu ingerlatsinissaq
pisariaqarluinnarpoq, suliffissuarnimi sulisartut assakaasoq ingerlajuaannassappat
sakkortuumik nillertumilu nukiorntumi sulisuusut eqqarsaatigineqartariaqarput.

Taamatut oqaaseqarlunga Peqatigiiffik sinnerlugu sulisartut ataqqinartut
ullorsiornissinni pilluaqqungaarpassi.

Else Jonna Lange

Siulittaasoq

SIP Ilulissat